

ւում: Այստեղ՝ դալար ու ծաղկազարդ գորգով ծածկած ընդարձակ դաշտավայրի մէջ, տեղ-տեղ խորխոր կանգնած հսկայական ուռենիները և բարդիները խորհրդաւոր կերպով օրօրում են իրենց կատարները, խշխշում քամու առաջ, կարծես պատմում են իրար ցաւ ու հոգսերը, գանգատուում իրենց վշտերից և ապա միահամուռ սգում են և հեծում . . . Մութը հետզհետէ սարերն է ծածկում: Ահա մի խումբ ջահէլ հարսներ և աղջիկներ, կժերը դրած ուսերին շտապով ագբիւրն են իջնում տան համար ջուր բերելու: Գիւղի հովիւները ոչխարները, կովերն առաջներին գձած՝ յետ են գալիս դաշտերից: Արիւն արդէն մայր մտաւ և ես զեռ քայլում եմ կանաչների և խոտերի միջից: Տեսարան—տեսարանի ետեւից նկարուում է իմ աչքի առաջ: Ատուած իմ, որպիսի՜ հրապուրիչ և գիւթական տեսարաններ, որքան պօէզիա, որքան հրաշալի գեղապատկերներ: Ամեն ինչ վսեմ է և խորհրդաւոր, ամեն ինչ անօրինակ է և կախարդիչ: Այդ բոլորը մի հրապուրիչ ամբողջութիւն են կազմում և առանձին հմայք տալիս այս գաւառին: Քայլում եմ անվերջ բնութեան այդ գեղանկարի միջից: Ա՛խ, բնութիւնը, և այն էլ այսպիսի

բնութիւնը . . . մարդկային կարողութիւննից վեր է նկարագրել այդ. ո՛չ բառերով կարելի է գրել և ո՛չ էլ պատկերացնել. Այվազովսկու վրձինը միայն կարող է նկարել այդ գեղեցիկ տեսարանը: Ամեն օր վայելում եմ այդ բնութիւնը և էլի չեմ կշտանում: Դա ինձ համար գերագոյն մի հաճոյք է, մի ամբողջ կեանք, կեանքերի գերագոյնը: Դիտեմ, սիրելի Վարդուհի, այս տողերիս վրայ չարաճճի ժպիտը վերստին խաղում է դէմքիդ վրայ, բայց խնդրում եմ, ինձ մի մեղադրիր, որովհետեւ այդ խորը անբացատրելի զգացումը բնութիւնն ինքն է գրել իմ սրտի մէջ և ես կսիրեմ նրան, որքան կեանք ունեմ:

Ներիր սիրելիս, որ այս անգամ շատախօսեցի: Այժմ ընդհատում եմ նամակս. միւս անգամ կգրեմ Քեզ այս գաւառի հայ ազգաբնակիւթեան մասին, թէ նրանք ո՞րտեղից